



記言

於戲

予小子駉

生依先人福蔭不能

讀父書博一顯揚啓後續衾影寤思

未嘗不愧汗涔涔也尚何可言耶然

少承庭訓耳聞目擊知吾家累世科

名皆累世之厚德爲之基焉但嘉言

懿行見之誌傳見之著作見之提命





者雖識大識小代有可珍往往皆分  
取各家每慮不一彙輯則數傳之後  
簡斷編殘煙雲易散使奕世子孫無  
從寓目以發觀感之機其負彼繼述  
之罪更莫可追矣偶謀諸兄弟子姪  
有識者咸以爲然因而搜萃家藏合  
錄成編期梓而公諸家塾中倘後之

人有志興起者浣讀是編須知欲光  
大祖先之家聲當厚修祖先之德業  
源不豐流何能長哉若不念茲在茲  
縱攻時藝倖致浮名或效習俗之驕  
吝或背天理與王章諒非身名不泰  
卽不能慶遺兒孫且九原趨庭時詢  
以畏天家學及不撲人一掌不諱人



高氏家訓  
一語之家訓將無瞪目結舌難辭不肖之責乎孝為生人之本不忘其親者其黽勉于積善云爾

告

康熙辛卯仲秋吉日渤海 小子之驥

書於家學畏天軒之桐陰窗畔

高氏家模彙編總目

卷上

家模世系科名考

識始祖墓碑

處士仰鬢公錄

墓誌銘

贈中丞柳溪公錄

邑誌傳

贊

丁祭邑侯祝祠文

贈浙撫僉都誥命

特祀記

東郭祠堂碑文一



又碑文一 跋語附

中丞東溟公錄

邑誌傳

墓誌銘

行實

蒲圻祠祀碑

撫浙去思碑

祀鄉賢鄉紳公呈

闔學公呈

里老公呈

道批送主年月

闔學誄文

鄉民祭文

鄉民冥碑贊

大學南溟公錄

邑誌傳

贈宗丞宏室公錄

邑誌傳

墓石誌

誌墓逸事

累贈宗丞誥命文

贈侍御敬室公錄

贈貴州道監察御史勅命文

卷下

司理繩東公錄

邑誌傳

墓表



爲善於家

三要圖說

司寇紫霞公錄

神道碑銘

行實記略

紫霞先生傳

四勉堂說略

世訓紀略

宜戒題詞

遺命

題遺命詞附

庭訓

識言附

湖廣鄱縣戴德碑

闔縣鄉紳祭文

闔學祭文

四勉堂書目

侍御在衡公錄

邑誌傳

墓誌銘

壬午孝廉戒之公錄

科名

記略附

進士振東公錄

墓誌銘

平越慎旃公錄

科名仕邑

記略附

庭訓語


甲子孝廉伯度公錄

行述



十二世孫肇睦

肇豐全較字



高氏家模彙編

卷上

家模世系科名考

十一世孫之驥輯

齊高氏之出渤海也其來舊矣至般陽以前即蒙

邑之世次已無載紀況遠者乎考蒙陰縣 先祖

諱全者於明代初年徙家來淄居城北二十里之

月莊是為籍淄之始祖有中丞公及列祖識墓

一碑今謹錄存傳五世祖諱傑起游泮宮補邑

博士弟子員吾家文學實自公興之然世久年湮



劫灰幻化片紙隻字都無所徵再傳 仰黌公爲  
六世祖乃有誌墓之文故卷中懿行家模記始自  
公後之立德立言凡有名賢表彰載籍可稽者敬  
爲備錄恪示家法若無賢哲史筆則不敢私加擬  
議以速臯誦至科名闢自中丞 東溟公及今四  
五世奕奕書香綿綿甲第例得詳書以爲子孫觀  
感振起之助云儻先德之慶源尙裕繼起之培植  
能勤有可續此模編作二集三集者予日望之矣  
嘻是雖誕語哉或亦生人之情也乎十一世孫之

騷薰沐百拜識



識始祖墓碑

月莊之東北里許土隆而起者世傳爲高氏祖塋  
日久年遠寒煙衰草鎖一荒邱然不知爲何代塚  
也萬曆壬寅春余行過墓左嘆曰爲人子孫而不  
識祖宗托葬地何以人爲居無何集諸族人耆年  
者而詢之族祖文學經年幾八旬向余言曰吾家  
世所從來遠明初始祖全自蒙陰徙籍於淄全竟  
未來遣子彥祥實來沒葬於此嘉靖中墓前之木  
拱焉後以龍碎余少時嘗展拜茲處衆老人亦云



遂戒僕築土而封之既又立石以識之重所自出也祖彥祥以下徙葬於東北高埠前有高氏先塋石坊各有墓碑為記不具書

皆而碑陰題詞

始祖名全以係蒙邑狗跑泉人故以是名志不忘也族中老年者類能言之此塋舊有二塚後為風土所封難以識認必始祖全暨二世祖彥祥壙也前或云始祖未來而彥祥祖實來近誤  
萬曆戊申四月二十日 八世孫高攀

高舉

高譽

高覺

九世孫 高所尙

高所學

高所志

高所養

高所立

高所蘊



高所研

高所翔

高所翀

高所就全識

處士仰賢公錄

墓誌銘

癸未冬杪不佞且束裝北矣蒲圻令淄川高君實  
 使使來并以所撰太父若太母行狀見遺曰舉受  
 兩太尊人恩深重矣甫舉孝廉而太父沒再成進  
 士三載而太母沒責在圖報其道無繇實惟名言  
 是藉乎以不肖之辱交於吾子也子姑緩一二日  
 之行以不朽我兩太尊人以薄吾責不佞許諾乃  
 按狀狀所稱不沒善不溢美庶幾實錄哉高之有



後也固宜處士諱昂字殷宗別號仰鬻孺人王則  
誥封刑部郎中養淳公之女寧波守方田公之姊  
今監察御史小田君之姑母也兩家俱右族遂相  
伉儷既委禽處士勤孺人則佐以勤處士惠孺人  
則佐以惠處士篤親孺人則又佐以篤親實儷德  
焉當處士少高氏式微且割先業之半矣處士自  
奮曰大丈夫豈其立橐邪於是不憚胼胝日夜拮  
据而孺人又脫奩資躬紡績凡數載復田二千畝  
幾與素封埒云既自免於急乃又周人之急嘉靖

丙寅歲大祲斗米可銀貳錢飢死者相屬處士則  
與孺人謀曰天豈獨令吾一人有餘粟乎號召鄉  
閭日食其家者百餘人多所全活不見孺人有難  
色也蓋自處士富有而生待以給歿待以棺暴露  
待以葬者不可枚舉又能爲里中人釋睚眦有欲  
構訟官府者且諭之曰若柰何傷和且損資非計  
也不難置杯酒相解而獨剛介不阿常面折人過  
無少假事已又卽相忘無少芥蒂以故里中人益  
敬而愛之性孝友父兄早卽世哀思倍篤遺二孤



弟鼎旻一同胞一異母者又有兄子一汝科皆未娶處士曲加撫愛稍長爲婚娶之已又割產給之而孺人承順唯諾不爲忤旣中年處士益無務輻輳瑣屑日與縉紳士大夫游一切家政盡付孺人非獨處士勸勤亦以孺人賢足恃也孺人天性慈淑顧獨持家則莊嚴不可犯內外臧獲亦無敢有犯之者處士有妾媵三戇而悍孺人御之得莊泣慈畜之道焉而三媵化而賢最嗜文墨曉書義得之家傳方蒲圻君齠年警敏過人授以句讀輒成

誦孺人色喜謂處士曰孫其亢吾宗乎青雲之望不獲見其父其在此子矣蓋孺人始則望其子汝登學亡何督之農事卽雖本富不墮家業不能無缺望焉者比蒲圻君力學以萬曆丙子領鄉薦而孺人與處士喜可知也又一年處士卒孺人茹痛益勉蒲圻君學蒲圻君愈益學下帷發憤者三年遂以庚辰成進士而孺人喜又可知也然孺人不以喜慰廢規誡也者蒲圻初謁選授完縣尹取道省孺人孺人曰完民瘠若善愛養之勿以一錢自



點不聞好消息之言乎君唯唯拜命之完能譽日起以才調蒲圻復取道省孺人孺人又曰蒲民機械若又須以誠格之無取鈎鉅以博能名君又唯唯拜命而獨念孺人老依依不能去孺人則又曰幸盡心王事毋念我信斯言也卽藉令亥暉景讓諸母九原可作何以加焉又藉令處士未殞所以訓其孫者亦何以加焉豈不有丈夫風哉乃未幾以疾卒訃聞蒲上宜蒲圻君之悲痛憂思不能已也嗟夫儷德之難尙矣余讀狀想見處士知時力

作旣聚能散喜交游篤天顯其人蓋寬裕有識矣假令孺人情竄慳惜罔知大義內助之謂何而孺人顧益善成之至所誠蒲圻君數語煌乎烈也蒲圻君質直恣慤兩任令尹有古循良風厝注可以槩見詎一第足豔邪尋膺天寵益大于門不虛哉孺人亢宗之料也雖然彼慶源則有在矣處士生正德六年五月二十八日卒萬曆九年二月日享年七十有二孺人生正德四年七月初三日卒萬曆十一年四月初三日享年七十有七子一



汝登娶長山楊林女孫男三長攀娶新城王應誥  
女次卽舉與不佞同舉進士卽蒲圻君也先娶鄒  
耐女繼娶益都趙爾衡女次譽邑庠生娶王暹女  
墓在月莊村畔孝水繞焉系之銘曰

誰哉有邱兮維城維垣伉儷協德兮福壽以繁夫  
能制義兮闔有淑媛善積而散兮亦輕而軒惟天  
眷命兮蘭蓀早騫筮仕兩邑兮頌聲以喧孫能貴  
爾兮亢宗有言爾實貴孫兮邈彼慶源高大其門  
兮雙璧在園視履考祥兮妥靈九原

翰林院編修漢陽年家晚生蕭良有撰



贈中丞柳溪公錄

邑誌傳

公諱汝登字自卑號柳溪以子舉封河南道監察御史贈中憲大夫都察院右僉都御史生而聰穎嗜學敦仁好施溫恭長者也事親以孝聞贍宗族親戚惟恐不及禾稔或就田間取之不靳也有田四千畝盡佐施予而家鮮儋儲修學宮殿廡首任其難者修五里橋靈虹橋欄再易不恡費焉車馬器物悉以共閭里用甚至遞相用迷其所不問也



自奉儉衣履不敝不更行於途履石棘必躬自拾  
取置道旁以利後來者持身忍讓子姓有不彈人  
一指諄人一語者撫其頂曰得此善根足矣旦日  
先寅起伏拜庭下已斂神正襟思諸所爲善事蓋  
雞鳴孳孳也年八十無怠日無疾而終公歿數年  
鄉人思慕無已立之祠四明楊守勤吳郡馮時可  
魏縣王時和時爲邑令各有記學使者靳公檄下  
祀公鄉賢旌之曰傳經學本良知修行名高月旦  
蓋實錄也載通志

曾祖柳溪公贊

皇皇烈祖懿維柳溪佑啓宗祏曰予肇基忠厚傳  
家庭訓嚴止不扑一掌不彈一指如此善根乃我  
孫子翼翼百爲曰維畏天如網有綱百目括焉孰  
替孰隆有因有果寒則抱冰明如握火無曰高矣  
汝右汝左自我同姓以暨邑人百年之內善敗可  
陳謏予小子謬測高深畏天之實其惟修身修身  
靡他曰義與仁勿險勿虐勿汰勿淫勿詭而衷勿  
滑而淳一言一動上帝是臨守此宗盟裕我後昆



由繹再拜敬書諸紳

會孫珩謹撰

春秋二丁邑令等官祭祠祝文

某年月日山東濟南府淄川縣知縣某等謹以牲

醴致祭於 高封公暨中丞公之神曰惟 公橋

梓一體性植慈良爰念病涉屢建橋梁載診載厲

兩賑飢荒惠洽遠邇民悅無疆春秋食報父子同

堂孚惠禮祀百世流芳尚饗

柳溪封公纍贈浙撫僉都誥命

制曰朕聞有開必先山出雲而雨降無德不報身

積善而子昌睠茲節鉞之重臣實遡箕裘之令緒

但隆恩有幅難通不匱之子情而異勤當甄特畀

非常之命數爾纍贈奉政大夫大理寺右寺丞高

汝登乃提督軍務巡撫浙江等處地方都察院右

僉都御史舉之父行遵坊表學探淵源姱修無愧

影衾宿德爭推月旦取嚴一介而帡幪欲庇萬閒

諾重千金而紛構立歡片語家儋儲而自適命再

受以益恭肅門內整若子魚儼同朝典化里中久



如畏壘敬擬神明惟俎豆在賢人之閒以享以祀  
肆纛旌填君子之里之紀之綱資事父以事君望  
彌隆於貞憲寓教忠於教孝恩豈靳於貽謀茲特  
馳贈爾爲中憲大夫提督軍務巡撫浙江等處地  
方都察院右僉都御史八命爲榮賁絲綸而未艾  
九原可作信穠菴之必豐

制曰國之所寶惟賢南服功高於仗鉞士也靡依  
匪母北堂教邇於趨機尙假寵於露蕭庶紆情於  
風木爾纍贈宜人楊氏乃提督軍務巡撫浙江等

處地方都察院右僉都御史高舉之母淑慎爾儀  
柔嘉維則結悅謹聞雞之度孝潔醜羹鳴環矢弋  
鴈之規勞宣錡釜匪貽箴於沃土藉懿訓之夙閑  
曷樹伐於雄藩致膚功之時奏雖白華謝養堂無  
樹背之萱而烏府推恩祭有銘功之鼎茲用加贈  
爾爲恭人操彤管而播徽音龍綸三錫賁立室而  
流景耀馬鬣千春

封公祠堂特祀記

余過錢塘而中丞淄川高公使使乞其父封翁柳



溪先生祠堂記祠蓋建自淄川之邑人首捐基以  
勸者太學生韓潛又合士民得金百五十餘緡淄  
兩生晏少陽君顯蒲雲洲生泗董其事經始於庚  
戌四月落成於辛亥十月言言翼翼雄峙於城東  
門外士民爭俎豆焉太公何以得此也說者謂其  
居鄉也訓忠成美既使其子當官盡節以德於他  
鄉之民而又能冠仁佩義檢躬禔禔煦物姝姝飽  
煖之外金錢米穀多爲長物輒施斥以德其鄉黨  
故鄉人爭矜式而爲公祀以報德以勸善也語曰

祠之言思也血食使之世世者也古者功行合祭  
法則執圭與帶索無顯晦交旌焉齒高則以憲老  
尊之旣沒則以禮樂祀之何隆至哉今寓縣各有  
賢祠設豆何纍纍也乃徒取阿上而迎燄或以黃  
金乞而赤仄媒則鄉人不爲榮而爲恥未幾而麗  
牲之石或以繫豕何貴乎士顧名德何如耳桐鄉  
祠一尉庚桑壘一老芳躅在焉自足千秋酌水薦  
營醪者銖兩合者萬馨高先生其亦若是矣世稱  
天子封官珥冕束帶有司與之罄折爲禮尊寵甚



至而無官守繩墨之拘故嘗恣其意所欲爲輒飾  
裘馬盛騶奴舞車揚袂豔奕道上又且焦神重精  
競能素封不漁獵而侮奪則不快故鄉之人輒猘  
獮封豕視焉慮無不欲驅逐者而何愛慕之有先  
生淄川一布衣耳幼卽嗜學淹綜緯冊而以病輟  
業然其引繩自矔方駕曾閔挺挺眞儒也居喪墨  
削禮戚并至聞人一善如獲瑤寶剖發章灼必使  
有聞於世慷慨急難控靡不應有田四十頃嘗共  
之族人貧者給無家者歸寒者襦饑者粒露處者

廛病者藥喪者槥雋異者與之羣籍而延之師凶  
嘉咸藉禮教并行相與櫛束若官師而聯屬若肢  
體嘗發地得錢數千緡亟集衆呼曰是赤仄也流  
之則泉聚之則泥余不幸有無故之獲而來無妄  
之福吾敢身爲虜而以盈取臯造物乎今借天之  
餘補天之歉以爲諸父老伏臘資吾敢愛乎客塵  
浮梗散可復聚吾何憂他日乏無也產故中落能  
手節縮之以致有倉廩坻京然穫車乍戒茨梁半  
栖采掇無禁一遇曠潦則廩不閉而取者如市未



幾空倉雀啣啣矣先生牆宇素高雅絕公府之蹤  
而善息爭止鬪里人有冤不平者豪無禮者負氣  
不下者得公咄嗟片言重於嚴師察吏往往鼠牙  
雀角不生金矢簿蹠自戢故聞先生之風者如見  
王彥方許子將卽王夫伎人欲求公熾介違心之  
行詭行之言迄不可得邑學宮圯首倡新之又恐  
衆力難集獨繕一楹丹甍鼎始鐘鼓吐靈卽菁莪  
棧樸不勝薪樵咸以發祥歸公功云邑故有梁虹  
偃而蜒直先生曳杖其上危之庀石增欄梁以益

固邑東北當孔道山水橫嚙復梁焉修廣皆倍人  
不病涉先生雖早歲罷佔畢乎然課諸子嚴仲季  
皆以經術顯仲卽中丞公舉始連宰劇邑治行冠  
天下召拜御史尋躋卿貳所奉先生袍笏輒笥而  
不御曰吾樂吾韋布安且吉耳有司迫之見多避  
匿而樂名人韻士文酒畱連浹日累月悛悛鬻鬻  
鞠躬循牆如有不及至叩以名理如屑玉繅絲雅  
自斐然少年望而心慙影縮矣先寅而起虔謁家  
廟蓮花淨名口誦心持而未嘗乞福祈年衣三澣



食二簋泊如也御下不爲嗃嗃而童隸多斂手奉  
教寂無音聲先生素強無疾年逾八袞隱几獨坐  
嗒然化去五百里內皆爲罷市輟舂如喪考妣也  
中丞公時以大理省覲歸視含靡憾先是三日猶  
與季子語曰存心所以事天也嗟乎孰謂先生非  
大儒乎今天下談學之彥左關右洛高立壇坫不  
難抉象帝而摘鴻苞然能張睂皎日矢心修夜以  
致無媿者鮮矣至若萬石三公鼠肝雞肋卽功名  
文字稱不朽業者先生且視爲夸父之逐矣乃其

施於有政比戶可封勒珉於不墮挂碑於無字使  
人懷思約結何能已已哉談者謂公委運隨化任  
遇順天折菱紉蘭婆娑里門坐而觀子孫霞蒸颯  
舉而身念後念了無挂懷以山川爲園池以煙雲  
爲友朋以簡淡爲事業以立釋爲飲食不惟守貧  
賤之貧賤而且能守富貴之貧賤不惟不索取於  
萬物之尤物而且不匄乞於造物之大物年位愈  
尊家門愈盛而檢押醞釀之思逾忘愈固豈非至  
人與山以東固多長者然屈指所覩記德平有葛



端肅公犁邱有邢莊惠公人倫物望粉斧冰壺隱  
顯一致沒而食於其鄉今先生與鼎峙爲三矣直  
道在齊魯間他方豈易得耶先生名汝登字自卑  
柳溪其別號以仲子中丞公貴封公如其官中丞  
公有文武略建節兩浙去後有羊杜之思季譽富  
才藻名列文苑中諸孫英英鵲起玉立能世其家  
先是學使者靳某採輿論祀公邑校至是而里人  
爲特祠蓋德非常故典亦非常祠成而般流一派  
適當其前祠南向門東向中構堂三閒置木龕供

塑像兩尾各一室居守者購田數畝以贍此足千  
秋已敬系以詞

詞曰般流瀾瀾白雲上施蔭者爲膏流者爲澌管  
茅百族布發華滋豈雲則神有龍是司不見而潛  
播此霖姿猗與先生與帝堦篋嶽靈星采元氣淋  
漓銜袖鏤鄒伏几綱維有子大官裘馬闢如厥訓  
惟何慎爾四知居官無家居家無私慈父孝子遞  
相爲儀譬彼輻輳相引相資我笥我廩民庾民茨  
瘠肥苦甘彼此共之輦金沉海不其隘而素者爲



侯翼者爲師懷投文鳥掌擘神芝匪規曷式望跡  
而馳文胄旣開謙谷愈卑小車花下時聞素綦曾  
是金紫不藐童孩天子曰賢譽命重施擘擘龍章  
五花離離皇造方篤何弗頤期有碑在吻有象在  
祠伐鼓登堂萬姓涕洟松柏如幄桃李成畦鳳游  
鶴返月白星稀鑒此苾芬神胡弗夷家琛國寶集  
慶流禧卿寧慙長弓乃爲箕無疆之澤視此德基  
清風肅穆靈爽猗靡紛何駿奔永矣遐思

吳郡通家晚生馮時可頓首拜撰

封公東郭祠堂碑記文

其一

者民數輩走於庭言東郭祠堂以義立而缺碑記  
者久懇予爲高封公傳予以公仲子東溟師督學  
所錄士令茲土奉職無狀躬自靖以不文鄉民伏  
墀固推季子君南溟獨可予言乞勿讓予無所逃  
辜伏讀高氏家乘東溟師履爲完蒲令爲河南道  
監察御史爲大理寺右寺丞爲都察院右僉都御  
史公各封如其官母夫人楊氏纍封孺人晉宜恭  
人封欽賞格上懸之以待重臣之有奇功者東溟



高氏家傳  
師以河工建言受以生擒海夷受以南湖工竣受  
凡數次受各有差封公以朝廷之惠惠鄉人鄉人  
以高氏之戴戴朝廷時和乃詣祠北向拜稽首曰  
駑駘吏無能奉揚顯懿敢從鄉人願勒大命於石  
之首俾海隅人士知淄齊高氏以大忠良受聖天  
子寵其世世子孫慎纂乃考服無斃咸曰休哉書  
封賞大父角山公得淄名閩寧波守方田王公姊  
爲配公實與寧波子棘卿曉爲表兄弟公少時讀  
書外舅家中丞師亦以外孫借館兩家相與爲平

生歡書大母族季子某戰藝東省卷魁而軼房評  
膾炙人頰士論惜之讀書北雍大司成植齋曾先  
生器之以何蕃刻其文行於世公卿幕食京闈亦  
不利科阨道亨當事扁其門曰真儒書季子以賢  
聖廟頹邑侯環樞鄭公患之數從封公問計會未  
竟而去朱寰同邑侯至復理前盟而要契於公公  
以前議進侯善之公偕士大夫任勞費而吏受成  
侯益多公後公從祀鄉賢文學士交口薦揚以公  
勤興俎豆云核公生平大都脫人之阨恤人之孤



高氏家模  
與周人之急既已存亡生死矣而口終不言亦絕  
無悔志鄉人德之是以沒之日思慕不已乃營東  
郭隙地築焉繪像其中斬木負土鄉人勞也書祠  
制祠成潔壺殮享祀者萬家作誄曰懷有襦兮以  
公縷甌有糜兮以公稌作公社兮城之浦蔭吾民  
兮順風雨好賢如緇衣書誄詞餘不可勝書乃不  
書以待夫灑墨者之駢相繼也乃勒石而重之以  
詩詩曰敦彼耆民庭予來告祠碑缺記封公奚報  
吏也何知能操月旦鄉民固推多君力贊爰披禮

經用鑑鼎銘首勒大命以示儀刑封公髫年舅氏  
德重寧波聲洪棘卿接踵館生鴻漸屢拜褒封惟  
茲石刻邁志亢宗爰有季子過庭手錄克稱惇史  
朝服拜役光生俎豆孔廟聿新興賢育秀附鳳攀  
麟俯仰平素懿行何多幽潛旣耀可絃可歌斬木  
負土新祠孔張陳蔬奠酒野誄綦良歲時禮祀伏  
臘村翁萬年發祥土樂民豐萬曆歲次癸丑 月  
吉旦文林郎知淄川縣事門下晚生王時和頓首  
拜撰



高氏家牒  
封公東郭祠堂碑記文 其二

記稱祖功宗德百世不遷爲子孫崇報者設也羣  
公先正有功德於民者祀於其鄉爲得位濟時者  
設也若乃韋布無行道之權封公席貴倨之勢而  
能使遐邇傾心億兆慕義尸祝等於子姓臆臘埒  
於明神不約戒而同不期會而集非夫積德纍行  
有以深入乎人心曷克致此淄川高先生生而卓  
犖性復慈和學有根宗功深砥礪計其資可得振  
翮天衢揚徽皇路而蹇產不遇退而瑩精內行好

行其德居恆無疾言無遽色一以濟衆爲事阨者  
脫之急者周之孤寡顛連者卹之無求不應如取  
如攜有諾不忘非要非納至於鬻序鼎新杠梁利  
濟尤大彰明較著者也以是淄澠康浪之間無問  
知不知稱爲高老佛封章瀟被貴而彌恭上壽旣  
臻善貸罔倦一旦捐館闔邑傷心里巷罷春村肆  
撤市廛相與協謀定址聚材鳩工爲祠於城邑之  
東淄流之北地勢爽塏卜築爲虔廟貌神龕有赫  
斯制堂廡庖湏靡飾不周且設之居守以司啓閉



高田家藏  
置之田庾以供繕贍捐基則爲韓太學潛董事則  
爲庠生晏君顯蒲生泗其餘樂助子來者不可勝  
紀役始於庚戌孟夏竣於辛亥首冬落成之日父  
老子弟攜持雲合潔牲陳豆考鏞伐鼓蒲伏羅拜  
以祈胙饗或至欷歔感泣去而若慕夫西來因果  
君子不道然而紺宇焜煌蓮社絡繹走士民如鶩  
非以其慈仁普度能濟人於無窮哉矧夫喆士修  
媵行心不匱眞儒作用隨地勤施而又行善於陰  
類西伯之得衆層累無厭邁燕山之發祥其於畝

依追報可勝道耶先生胤哲林立孫枝鵲起仲公  
柱石匡時謨猷蓋代所以發攄先人之烈假恢拓  
不世之弘勳者方令瑯琊增高北海增潤天子崇  
所自出於禮有加行且釐爾圭瓚錫之巨鬯血食  
無疆而惟是民實有口衆各有心其驩然肇祀共  
臻厥成殆前古所希覲也百世之廟可以考德天  
地之情觀其所萃詩不云乎孔曼且碩萬民是若  
不顯不承無射於人斯余於茲祠具見之矣爲之  
記萬曆甲寅春旦翰林院修撰儒林郎浙慈通家



晚生楊守勤頓首拜撰

右特祀一記及碑文二篇皆識淄東郭專祠祀  
 先柳溪封公文也今祠址乃在邑內之東北隅  
 後之稽古君子或開卷而披載籍或入祠而拂  
 碑碣得無疑夫文與地之迥不足以徵信乎蓋  
 先封公暨先中丞公秉畏天家學敦仁好義  
 樂道弘施為德於鄉也久淄父老人士於  
 公之歿也思慕不能已為立專祠祀之意良厚  
 矣當年創基實在邑書帶東門外迎仙橋之北  
 偏後以邑有寇警為城守之謀者謂近城廬舍  
 多妨發砲礮之機愆愆當事凡棟宇之臨埤堦  
 者摧之祠亦因之以毀故為營基重建構今祠  
 於城之中并遷東郭之額聯貞珉位置其間祠  
 地碑傳之文不無參錯者端由乎此說者云當  
 郭祠之毀也實陰有忌之者特假寇警圖快其  
 私嗚呼事固未可知耳斯時也先中丞公已  
 騎箕尾豪強墨吏輩或疑高氏之不振矣鬼蜮

梟獍其焰易張庸知先公德行純粹簡在  
 上帝者久有徵歟考萬曆庚子夏四月二十四  
 日淄有風災奇聞異記駭人視聽者不可殫述  
 至摧城內坊表傾頽殆盡獨吾家繡豸坊下有  
 賣菜傭聞空中語甚急曰不可動不可動坊柱  
 開裂次日自合即墨周祭酒先生如砥有異風  
 賦識風之怪且標之序言著先封公之德事  
 載鴻書及邑志中神明之加意善人也厚願欲  
 興之人孰能敗之哉崇禎己卯秋先司理公  
 與先司寇公同薦賢書一時豔羨有玉穀并  
 陞之目復相次掇巍科而祠祀因以益永每春  
 秋仲月上丁日邑侯尉職官味爽起祭聖廟畢  
 即會祀公祠家子姓有一命之榮者相率公服  
 迎侯於門迨今無闕也夫此祠祀之建遷僅百  
 年內事耳今之知者已屬得之耆碩之傳說儻  
 更歷幾傳慮知其說者或寡矣吾叔兄之駟故  
 急為文以識之騃復筆記於家模碑傳之末冀  
 奕葉子孫奉嘗吾先人咸知高氏福田闢自



處士仰翬公 柳溪公擴而充裕其源至 中  
丞公始光大吾宗爲淄望族固百世不遷之主  
也繼而 司理公 司寇公接踵青雲振家聲  
於欲墜承先啓後覆宗黨以樾陰清節著於  
朝廷仁厚表諸鄉里又豈非俎豆綿綿不可爲  
之少替者乎若食先世之德能重培先人之善  
根尤余所深望而勤期於後人者  
焉爰爲之記五世孫之驥拜題

中丞東溟公錄

邑誌傳

公諱舉字鵬程號東溟幼補邑諸生會家多逋賦  
身應公役而誦讀不廢萬曆丙子舉於鄉更三年  
成進士除完縣令察能調蒲圻兩地皆有惠政祠  
祀之擢御史言事侃直無避忌璫張德毆人於掖  
門斃之衆莫敢問也公抗疏抵璫於法出按畿南  
不以奧援故有所縱舍河決淮泗害漕公時按江  
北條上疏濬築塞事宜當事者如其策遂告成功



蒙褒賚焉光宗久未冊立且不出講言者相繼蒙  
譴甚至予杖公抗言甚切直神宗不怒也督北畿  
學政獎拔多孤寒士擢大理丞丁父憂起大理少  
卿尋以僉都御史撫浙竭力興除豪右巨猾鋤而  
去之清冒濫嚴角試歲節軍儲數百萬緡南湖久  
湮捐贖錢數千金修之垂永利焉每歲例親歷海  
澨以防春汛值海上游徼獲安南多舟以爲盜也  
俘而獻邀功者愆愆公立殲之可得殊擢公曰安  
知非困於怒颶者陽侯寬之我虐之耶訊之果安

南漁者爲暴風漂至疏請於朝資以館餼遣歸全  
活數百人神宗嘉之晉俸一級撫浙將六年乞歸  
出俸餘置產數區分諸昆弟歲歛捐金賑宗族給  
親舊有差又卹庠士百金編氓千金不少靳晚年  
靜居書帶館整肅端坐移日蕭然如寒士開會松  
蔭閣自辦供具招邑文士課藝手爲之程臨歿猶  
出筭金徧分諸友人曰聊以此爲老年資餘以給  
兄弟子姪曰朝廷恩勿忘也其忠信友愛老而彌  
篤如此所著有西臺疏草撫浙疏草墳篋編陶世



高氏家傳  
三  
名言名文薈選循良模範夜光集韻撮行於世祀  
鄉賢張至發撰載通志

中丞公暨鄒趙二恭人墓誌銘

光祿大夫左柱國少師兼太子太師吏部尚書中  
極殿大學士福清葉向高拜撰

往余在詞林東溟高公爲御史有傾蓋歡比余濫  
叨政地公爲列卿愈益習未幾公出撫浙凡所奏  
請及諸大利病所宜施行與朝政闕失皆以告余  
郵筒往還無虛日余方欲返公於朝而屬公有所

抵牾於時遂力乞歸余不能留也頃余起田間時  
爲士大夫言公生平不宜終廢林下未及行而公  
沒矣余亦得請南歸過安德公之子太學生所翻  
諸生所蘊介孫翰檢謁余於河干乞公墓文翰檢  
余門下士之最相知者而余與公又有疇昔之誼  
雖病不能辭公諱舉字鵬程別號東溟世爲齊國  
卿族自六世祖全始徙居淄川遞傳至傑傑生嘏  
嘏娶於王有婦行且通經學名載邑誌是生柳溪  
公則公父也母楊氏夢月入懷生公王母夙自負



能大公門得公喜甚躬授經書大義公亦聰穎絕倫十歲卽能文千言立就擢補邑諸生以家貧多逋賦身應公役而誦讀不廢萬曆丙子舉於鄉更三歲成進士年纔弱冠除完令察能調蒲圻皆有惠政兩地祠祀之徵拜監察御史言事侃直無所避忌璫張德毆死人於掖門衆莫敢問公抗疏言法者人君受之於天必不可廢今禁地殺人而欲委臯是廢法之尤其何以爲天下平神皇從公言抵璫於法出按畿南所擊皆貪墨吏不以奧援故

有所縱舍潞藩之國所過騷然而畿南不擾則以公調停得法約束嚴明藩邸諸役皆斂戢不敢肆所全護甚多河決淮泗害漕且憂及陵寢公時按江北條上疏濬築塞事宜皆中窾會當事者如其策遂告成功公亦蒙褒賚礦役興中使四出至鑿及天壽山公方巡畿輔力爭此靈秀所鍾國家千萬年基業關係甚重柰何使無賴之徒輕行挖掘洩王氣而傷陵脈其禍不淺疏雖畱中而橫璫亦爲氣阻公之在西臺所論建糾繩上關國計下利



高氏家傳  
卷上  
民生不激不隨不沽名不畏強禦多至百餘疏大  
率此類而當光廟未出閣冊立出講久稽言者相  
繼蒙譴甚至予杖公復抗言皇長子一身宗社生  
靈所繫命不冊立何以安人心不出講何以開聖  
智詞甚切直神宗亦不怒也而出講遂允行人尤  
以此服公未幾奉命督北畿學所拔多孤寒士一  
切請託皆不得行遂擢大理丞請假歸省適柳溪  
公沒哭踊襄事無遺憾除服起大理少卿以右僉  
都御史撫浙下車卽問民瘼竭力興除豪右巨猾

皆鋤去之清冒濫嚴角試歲省軍儲無算南湖久  
湮捐贖鍰數千金大行疏濬民賴其利事聞賜金  
旌焉海上游徼得夷舟以爲盜也俘而獻功公曰  
是安知非困於怒颿者陽侯寬之我虐之耶訊之  
果安南漁者以暴風漂至爲疏請資給遣歸全活  
數百人神皇嘉之晉俸一級秩滿復賜金贈柳溪  
公如其官母楊爲恭人因忤時遂屢疏告休屢奉  
溫綸慰畱而公去已決矣時語人曰吾生平遭際  
居官無所恨所微歎者不得恩及王母耳歸而出



高氏家傳  
俸餘置產數區分給諸昆弟歲凶捐金賑恤庠士  
百編氓千建邑外二橋以免病涉皆出力田所積  
不少靳暇時招文士課藝讀經史有得輒手錄之  
蕭然如寒士今上登極修先帝羽翼功悉召諸舊  
臣部使者方以公名上而公遽不起惜哉臨沒猶  
出其笥金徧分友人曰以此爲老年資餘以給兄  
弟子姪曰此皆朝廷恩汝曹慎勿忘其忠信孝友  
出於天性老而彌篤如此所著有西臺撫浙兩疏  
草墳箎編陶世名言名文薈選循良模範行於世

配鄒繼趙贈封皆恭人鄒則從公於貧力勤以佐  
讀旣貴不改其素又孝事王母逮於其勝其亡也  
以哭王母故趙之賢如鄒撫育諸子皆如已出當  
病革醫者請一診竟不許遺橐具籍記無分毫以  
厚所生可謂難矣公生嘉靖癸丑年二月十六日  
沒天啓甲子年四月二十日得年七十二鄒恭人  
生與公同年爲六月二十四日沒萬曆癸未七月  
二十九日得年三十一趙恭人生隆慶丁卯年二  
月二十二日沒萬曆丁未二月初一日得年四十



一子六女五孫男二十一孫女七婚嫁聘娶皆名家而珙孫聘孫翰檢女翰檢嘗稟業於公又與公之子翻姻故知公爲深其狀公無飾辭余得據而次之因竊嘆曰甚哉言官之爲世利害也彼其執簡論列豈不侃侃自任然覈之事情鮮有當者高則爲名卑則逐時趣隨聲附和以取一官所薦引必其親善所糾彈必其所不快藉以修怨德耳於國家大計何裨焉高公在言路久諸疏具在可覆按也亦可謂挺然有特操者矣其取忤於時或別

有株纍非公之失若在浙而釋漂舟活多命不殺人以徼功爲德遠矣祚胤之繁昌宜哉葬於天啓甲子年十月二十二日墓在邑城東南隅般水之澣銘曰

以爲御史其直如矢不憚披肝皇恤逆耳兩淮露湛三輔風清元良羽翼宗社式寧以爲開府允文允武蔭比甘棠澤如膏雨亦有遠人困於颶風曰惟解網毋敢徼功帝念勞臣兼金薦錫翩然賦歸脫此羈勒孤筇短屐十畝桑間徵綸方下箕矐遽



還有封坊如般水之澣伉儷與偕永篤來祜

中丞公暨鄒趙二恭人行實

二兄諱舉字鵬程別號東溟始祖全自蒙陰徙於  
淄遞傳四世至曾祖傑邑庠生慷慨有才略祖嘔  
父汝登以兄貴累贈都察院右僉都御史仁惠洽  
閭里鄉人德之爲立祠淄城東門外入祀鄉賢母  
楊氏亦以兄貴累贈恭人母夢月入懷而生兄兄  
生而聰穎絕倫七歲就塾師日誦數百言十歲善  
屬文曾賦貴人詩有更新門閭意識者奇之隆慶

己巳遊邑庠學博士課其文甫脫槩先進有文望  
者閱之驚異曰此乃科第才焉有久屈泮藻者乎  
相與賞重不置家故饒以父務施致中落多磽确  
逋賦兄恐爲父兄累身應督催邑里還往日以爲  
常卽衣敝履穿不言瘁坐是學業稍妨至萬曆丙  
子始乘間潛居梓潼山之後洞下帷茹苦肆力攻  
舉子業寸晷無暇督學使者余公至試爲諸生冠  
秋闈得雋歌鹿鳴而歸宴上所得坊銀等盡以歸  
諸父纖毫不入己囊明年禮闈下第志怏怏弗樂



曰丈夫當奮身廊廟期建樹爲顯揚計詎一舉子足豔耶遂出館授徒藉薪水下帷苦志如諸生時所得學資盡歸諸父庚辰成進士第所得諸上官禮金恣父用解褐除完令完地瘠賦重人獷悍會有丈田檄兄履畝視肥瘠租賦輕重布之民獲息肩解回寺馬繁費苦纍編戶任斯役鮮不傾業兄申布規條官走廝隸爲解俵遇有駁復損傷以其羨金市補事竣通計所羨減派下次馬價民懼戴若更生廉閭左遊蕩不逞者痛懲之善良藉以安

枕莅完閱歲聲績流傳以循名調繁蒲圻蒲地廓民疲楚產士多才尙文藻然多跣弛未中於程兄按籍徵課僅取及額而止不煩敲朴日以撫摩噢咻爲事暇日集多士於館捐俸爲供具月再試手其文次第之擇前矛壽諸梓士習丕變一經賞拔便成名流今完有生祠蒲有去思碑皆德政所感也纍勞兩邑歲丙戌徵拜河南道監察御史立朝正色遇事敢言初差巡禁地會中官恣橫毆斃採薪人於右掖人莫敢問兄抗疏論列詔逮內侍獄



高田家模  
旋附臺獄抵於法戊子差按畿南履境繫貪暴吏  
若而人察民間積猾大蠹跳於繩者殫力剪之不  
少貸潞藩就封官苦苛求民疲供億四境焦然兄  
申明憲典不激不阿官民以寧辛卯按江北兩河  
湮淤泛漲兄親巡河上下地勢水性周視熟察洞  
其窾冑具疏上陳依法疏濬河伯安流糧艘飛輓  
陵寢獲安恐運道時或壅滯又有開通膠萊河之  
議娓娓數千言載在工曹疏刻河工告成蒙優詔  
賞賚丙申按畿輔時礦稅之役中使四出燕山礦

務尤不便於陵園兄上疏罷之不報京師四方輻  
輳地各省會大都劇邑皆有會館獨齊魯缺焉兄  
按部暇揮金唱首主進置館月置酒爲一再會以  
敦鄉誼士紳義之按畿南時兼閱視紫荆等三關  
戊戌更差巡視京營揀將材除戎器嚴部伍所至  
綱條振舉軍紀整肅壬寅提督北直隸學校戚里  
勲家中要權貴湊集於都下甫出都視學政一日  
而請求之牘八百餘函兄對天誓曰職司掄材何  
敢奉權勢而抑孤寒寧以一官謝之竟事不受一



請託衆服其公臺中歷資俸二十年遍掌浙江等道更屢掌河南道中間覈庶僚司計典薦文武邊材秉公矢慎咸慊時論事關聖躬君德侃侃直諫同儕爲之怖恐兄怡然樂之疏多畱中神廟時儲位未定中外猜疑聖怒震赫嚴旨頻降兄上冊立出講一疏委婉真切獨回聖聽得俞旨後在林居臺省多次疏薦胥謂力扶綱常有功國本云甲辰轉大理丞戊申陞本寺右少卿掌大理寺印議出議入多所平允己酉陞都察院右僉都御史奉勅

提督軍務巡撫浙江等處逐年春汛躬歷海澨開設營壘修葺戰艦勵將士嚴海禁市勁筋良鐵置戰具器甲犀利兵政一新時飛報有海夷數十船出沒島嶼且逼岸軍士乘憤氣譟聲雷駭夷愕眙不敢動俛首就縛獻之戟門邀功者愆患立殲以冀超擢兄細加詢問衆夷曰原係安南人入海捕魚被怒颶漂至伏階下垂涕乞恩貸兄數四推勘知其無他疏請開釋爲文移解還本國隨路借館餼安南數百人咸得不死上嘉其不妄殺陞俸一



高氏家傳  
級虎林南舊有湖久湮廢兄出贖鍰數千金力加  
疏鑿築堤塘時蓄洩溉民田數千頃歲獲秔稻蒲  
魚之利人免其害而戴其恩上賜帑金褒之浙舊  
有巨猾憑城社依牆壁梗化作姦上下宿知其稔  
惡莫敢發兄奮然曰稂莠不去若嘉穀何會文直  
指合力上章芟除之麾下待補官相沿爲寄請利  
藪兄督藩臬都三司暨府縣偕臨演武場校射試  
韜鈴優劣甲乙之籍定遇缺按籍填補人不得干  
以私緣軍士冒濫虛糜廩餉檄兵巡諸道不特汰

老弱節省軍儲數千萬緡儲之藩庫預備有急招  
募健卒費諸如行斂解平嘯聚濬溝瀆整街衢諸  
實政難以備述其要者載在浙省去思碑可考鏡  
也兄方嚴敏亮不諧時局以故撫浙六年勞瘁萬  
狀竟以忤時纍疏乞休卽溫諭慰畱竟拂袖而歸  
兄少敦孝友鄉會所獲金任父置產均給我兄弟  
無難色踐歷華顯每每分給宗族親屬有差父喜  
施兄克承父志歛年賑庠友百金賑邑人千金學  
有碣縣前有萬人碑志其惠學宮圯數捐金修繕



高氏家傳  
三  
蔭松閣開文會有志爲文者至卽延納捐金爲課  
饌糊名易紙親閱其文優者割珍爲賞士友競勸  
累年掇高科者多出其門偶念及饑年殍餓遼水  
戰亡重爲傷悼爲設齋壇而蘸祭之施義田邑四  
境三十餘畝瀧水病涉出百餘金助建興龍橋以  
百金爲靈虹橋欄衆賴以濟邑內地曠人稀兄有  
素置腴田百畝僅僅照時值易之民間搆地舍以  
便民居輿論多之沒之日闔邑士民各爲祭而哭  
於庭備徵好施之効庶幾乎生榮死哀矣惟是兄

少受大父母撫養大母王氏誥封刑部王達女曉  
暢文義明於內則邑乘有傳兄幼通句讀習儀節  
皆大母庭訓莅浙幾及六年未得拜滿沾一命及  
我大父母不無遺憾耳中葉食貧困於自給嫂恭  
人鄒氏以女紅佐其費兄嘗篝燈讀書至丙夜不  
休鄒恭人爲縫紉伴之不爲倦雞鳴之警不翅焉  
兄莅蒲繼聘趙恭人出自名閥入門遇滿秩封孺  
人冲齡履榮貴從歷宦邸甘淡薄衣布素猶然諸  
生婦至孝親慈幼佐兄勤施勤官政兩恭人如一



高氏家模  
轍兄雅負直節然多畏慎家居十餘載日扃戶休  
休亭覽玩墳籍蕭然獨處門無雜賓不通貴人書  
不作干謁字訓家門以儉朴接賓客以敬謹位愈  
高而心愈小祿彌厚而散彌多識爽朗丰儀峻整  
有渠度揣時事多懸合爲政肅而寬虛懷善下人  
樂爲之用宣力匡時辭榮歸老良臣之遺躅哲士  
之高風依稀近焉退食閒居陳編布卷手不停披  
著有西臺疏草撫浙疏草墳箴編摘集有陶世名  
言世說新語一抄選彙有名文薈選韻撮中原音

韻觀風集思錄循良模範一鄉雅言夜光集行於  
代卜於良月二十二日合葬於城東南隅般水之  
次伏望仁人君子惠顧宿舊濡毫而爲之銘無任  
瀝懇感銜之至兄生於嘉靖三十二年二月十六  
日子時歿於天啓四年四月廿日巳時配恭人鄒  
氏生於嘉靖三十二年六月二十四日歿於萬曆  
十一年七月二十九日繼配恭人趙氏生於隆慶  
三年二月二十一日歿於萬曆三十五年二月初  
一日繼配趙氏娶踰月卒子六所學崔黃口守備



娶邑庠生賈胤女繼娶新城戶部主事張羽鳳女  
所翻太學生娶原任參政韓萃善男太學生潛女  
繼娶長山庠生許文煥女所立娶監生汪佳男夢  
龍女俱鄒恭人出所蘊府庠廩生娶新城兵部尙  
書王象乾女繼娶袁幼御女所翔太學生娶新城  
國子監典籍王象艮女繼娶海州知州王載揚男  
庠生初女所翀府庠生娶參政韓萃善男太學生  
潛女繼娶青城山西道御史于永清女俱趙恭人  
出女五長適都御史韓取善男庠生泳男國學生

茂楓次適都御史韓浚男庠生茂樟次適陵縣江  
西道御史康丕揚男庠生灝次適長山副使劉一  
相孫國學生鴻範男孔修趙恭人出次許聘鄒平  
太僕寺卿張延登男萬斛庶室王氏出孫二十一  
所學出者三珍奉祀生娶長山舉人李恂女琿聘  
河南道御史安伸女繼聘邑庠生王珽女瑛聘都  
御史韓取善孫茂楷女所翻出者九瓌聘保定府  
同知宋雲霄女珙聘翰林院檢討孫之獬女璿聘  
永平府推官王策女璞聘國學生王昌期女琨聘



益都庠生翟鳳雛女珪聘益都進士中書仇維楨  
女璉聘益都舉人任濬女璵珩俱幼未聘所立出  
者二璵整幼未聘所蘊出者三瑋邑庠生聘大理  
寺丞張至發男舉人泰來女珩聘益都舉人岳儲  
珍女琫幼未聘所翔出者三珂邑庠生聘新城布  
政徐準孫庠生熙如女璫聘國學茂稷女琮幼未  
聘所狝出者二璽聘益都廩生翟鳳雛女璫幼未  
聘孫女十所學出者三一許聘國學生王孟臨男  
庠生篤生子渥一許聘泰安州庠生宋烈男庠生

之儼一許聘太學生安偉男昆如所翽出者二一  
許聘延綏巡撫翟鳳狝男廩生元會一字新城主  
事張篤敬男太學生胤振子桂燦所立出者一幼  
未許聘所蘊出者二一字國學生韓茂楨子焞一  
字長山庠生王從明子珍所翔出者一字舉人王  
御節子諧所狝出者一字文水縣知縣韓卿揚男  
庠生溥男茂粽子烺重孫女一珍出幼未字兄大  
德同天地妙慧婉神明嘉言懿行筆不勝書有六  
子二十一孫祚胤繁昌冠於一邑積善之報盛矣



而未艾也謹據實而列之如左惟祈仁人君子慨  
賜一言垂諸不朽將存沒均感生生世世永矢銜  
結矣弟譽傳

中丞公令蒲圻時祠祀碑

方今主上瑩精太平加意吏治軫百姓之急慎守  
令之選其有拊循境土炳烺治聲者輒不次擢之  
青瑣烏臺以示優異以勸後來以加惠天下後世  
蓋循良若斯之榮也然且所去見思生而血食休  
烈顯乎無窮聲稱浹乎其後蓋業與古循吏等爭

流而名與邑治俱永矣非甚盛德孰能當此者乎  
邑侯高君歷蒲精明運治平易近民四境仰清淨  
之政結綬束縮者三年天子以爲稱意旨拔之諫  
垣雖燕臺有澄清之轡而楚邑奪民牧之良矣民  
之思之曷維其已於是邑耆老大夫薦紳先生之  
徒擬勒石建祠以垂不朽如往者陳侯王侯章侯  
故事復屬不佞紀其成不佞喟然嘆曰厚幸哉蒲  
民乎更生於陳安阜於王廕庇於章而未竟其施  
樂利於侯而雞犬晏如焉十餘年來杜召接踵龔



高氏家模  
黃比肩卽不佞紀成事者數四天子豈獨私吾楚  
一下邑哉太平玉燭故吏飲上漢之醇民含隆虞  
之哺耳侯以東魯名家舉進士第初縮符於趙之  
完邑治行卓異未幾晉調吾蒲益修其政履畝清  
丈則車轍必遍於遐陬均役平糧則隱射不侈於  
豪健民間失火比屋延燒侯給之粟人數釜有汲  
長孺之遺意焉侯莅蒲明年歲饑民病之侯發粟  
賑貸元元之民全活者甚衆豪強爲蠹非體也侯  
遏抑獨嚴俾人人自愛而重犯法訟牒煩苛吏胥

始得漁獵其中侯兢兢抑畏節省而振刷之終侯  
之身六曹之衆皆民譽且者政之暇時課藝育才  
以故一時作新之士霞蔚而颿起我侯造蒲之功  
未易縷數此其尤大彰明較著者也迄今去後之  
民沐侯之澤濡侯之化者淪肌浹髓旱澇則思饑  
饉則思災異則思征輸則思撫南畝之貽則思由  
民心以觀治侯之功誠博且鉅矣卽刻碑志思廟  
食志敬亦樂利之民圖報其萬一者耳本之民心  
參之祀典詎曰不宜夫世傳東海祠峴山碑尙矣



高氏家傳  
于公羊叔子二君子者何以得此於民哉積厚於  
民民自不忘其子於高侯亦云

中丞公撫浙去思碑

臨淄高公以大中丞開府浙上者五載東南半壁  
奠若覆盂遂具疏乞解兵柄不獲請疏五上始奉  
溫旨暫予公告遂歸般陽浙上吏民雷然大譁若  
失寧宇而俾之露處因乞余爲石言志公郁烈庶  
幾石在與在余惟公以今上己酉莅浙方是時樂  
浪之役雖解而家康實螫屬國劫我之雞籠淡水

宵人又闌出徼外以貿夷海上實棘棘多事公風  
望顛卽而樞模靖密首召將校諭其情形者衣若  
而宵討故實者食若而盱躬泛樓船盡歷諸荒徼  
擇其要害增置墩堡繕緣海諸城郭無敢不堅核  
諸廡庾無敢不實校諸材官枝擊無敢不弔又詳  
汛守會哨報警諸法俾無失其機宜間以幪幢爲  
鳥船以利水戰而舟中礮礮戈矛之屬咸編識甲  
乙如其舟之甲乙無以影射逃吾檢詳由是浙鎮  
遂雄視海上歲辛亥夷薄東毆盡獲厥醜無片帆



高氏家模  
得還者主上爲賜白金文綺如干而防通夷之法  
大要責成於保甲許得相首告有容隱者坐之故  
闌出者卒莫漏吾網每當行軍之暇時討七十五  
城之隱某須興某須革咸次第施行無弗中窾郡  
國所上爰書震霆湛露惟所酌而施以是丹筆所  
下咸凜於袞鉞往公未莅浙時浙苦天吳茗雪之  
間幾陸沉公至輒上請蠲賑下則招其流移旣大  
稔爲布衣禡之令以防屑越後一歲頽洞果爲沴  
民以有備無患公又爲方略以行水罷諸不經意

處金錢數十萬治南湖壞堤堤成主上復賜白金  
如干至轉漕之役當比歲而極壞公下令萬夫長  
亡充以婁夫所不共命爲坐以欺誤之辜且籍其  
俸入以償由是舳艫銜尾實京儲則公之造我西  
北又不資矣余因感國家奠鼎燕薊藉九塞之節  
鎮以禦夷藉瀕海之節鎮以禦倭說者謂夷事棘  
於倭九塞重於海詎知西北吏士常仰粟吳越而  
吳更以越爲咽喉假令鯨波弗戢則悉土之毛尙  
無以佐軍興而於何實塞上故撫浙而效功不獨



高氏家傳  
浙也六幕并受之撫明州而效功不獨明州也兩浙并受之以公建牙仗虜功宣炳行且銘旂常與日月并耀清漢寧俟海壖之片石章不朽然勒公伐而於浙之重地也則堅珉亦爲公重矣監察御史巡按四川吳禮嘉撰

中丞公崇祀鄉賢闔縣鄉紳公呈

闔縣鄉紳巡撫天津都察院兼戶部左侍郎畢自巖原任保定巡撫右僉都御史韓浚大理寺右寺丞張至發光祿寺寺丞王孟震翰林院檢討孫之

獬河南道監察御史安伸禮部主事畢自肅原任薊州道副使高捷原任河南南陽府知府車從衡兵部司務安傅直隸保定府同知管延慶州事宋雲霄原任直隸廬州府通判賈三鳳直隸永平府推官王策山西文水縣知縣韓卿揚原任河南遂平縣知縣賈徵等呈爲忠臣公論久定鄉賢入祀宜先乞賜代請以昭卹典以慰輿情事竊照已故巡撫浙江都察院右僉都御史高舉兩間正氣一代偉人文章爲一世宗學問自六經出大廷入對



高氏家傳  
祥鸞偕瑞鳳同輝百里宣猷解繩與散黨并譽峻  
節挺孤松之秀湛露敷萬井之春國人羣然曰賢  
廷臣無出其右遂應召於北闕旋晉秩於西臺自  
是天子有直臣因之聖朝無闕事持璫以斧權貴  
驚破柱之威夾日於淵國本藉回天之力廿年臺  
職非南砥淮江則北清易水而薪樵佐埋輪以風  
高三載棘卿非平反重獄則剔除巨姦而園扉集  
烏巢以起誦此惟赤心報國白簡輸忠故爾簡在  
帝心特隆節鉞慮周桑土風雨無患於室飄仁逮

安南鯨鯢立消於海颶似此封疆盡瘁允爲社稷  
功臣卽主上嘉其纍勞贖有帑金之殊錫而銓席  
待以卿貳尙稽宸楓之轉圜蓋直道事人恥與鴟  
鴞爭腐鼠乃拂衣歸壑樂與鷗鷺盟清泉雖推轂  
盈廷時動黻辰之注而會文講藝益堅衡泌之栖  
詎意病革一朝尙咄嗟於易簣危濱九死猶叮嚀  
於報君此其一腔之傾藿真是終身如一日又不  
獨伊洛挾洙泗之祕公門成桃李之畦深澤潤虎  
林之千頃渥膏灑梓里之萬家已矣自嚴等竊謂



此一臣者品高雲間日下望重玉鉉金甌正色立朝人人憚其骨鯁養恬慕義處處仰其冰清論已定於蓋棺誼當祔於崇祀伏乞轉申本府學道等處俯賜忠臣之旌得與名賢之祀庶耆碩不至於削光忠良且因以生色而於國典輿望亦大有榮藉矣云云

闔學生員公呈

儒學闔學廩生王世祿增生王符永附生高應芳等呈前事呈稱竊惟邦之託重爲賢國之大典在

祀故立德立言立功著懿美於千秋議賢議崇議報儼俎豆於萬禩公道賴以常存人心藉之不死恭惟本縣鄉官已故僉都御史高天賦孝友性篤忠貞里門敦仁厚之誼萬石君之若奮若建也世表著清白之譽趙清獻之一琴一鶴也平恕不疚閭室謹畏常慮人知玉塵清譚平鋪霽月澹灑光風在在遊玄圃閬苑銅章裁錦輪囷卿雲空濛甘澍處處歌擊壤康衢簪螭立本朝力褫權璫之魄節鉞開憲府風銷墨臬之魂白簡批鱗稜霜共烈



高氏家模  
日并凜青棠察雉惠風與化雨齊飛其羽翼國本  
也疏回天聽不數周昌之期期其借箸石畫也條  
悉機宜絕類陸贄之便便翰海驚瀾奔注若浙江  
潮瑩涵則滄溟日詩巖聳翠清新象庾開府駿逸  
是鮑參軍體物酷似化工戲墨亦覺清絕學殖錫  
類志專作人面壁點睛破壁多轟雷之吼臨風迎  
盼追風盡逐電之羣且情切痼瘵性樂施予救荒  
罔吝千金舉火不遺半面起文正於九原漫誇義  
莊之記拉平仲於千古快談君賜之昭家食十稔

寢不忘君承懽百齡將隆庶母況乃化外沾恩安  
南之颺艦無恙此將海不揚波之兆間有風伯肅  
穆壘石之震電不驚實乃納麓弗迷之徵縷縷懿  
芳歷歷靡罄固金匱石室之錄匪野乘稗海之藏  
也至若士勤賑卹廟緝巍峩爰煥杏壇之景色與  
夫學徹性天書垂典則實遡洙泗之淵源參諸祀  
族綦宜合之國典不謬日擊而論既定身沒而賢  
益彰爲茲連名具呈伏惟轉申道府特祀旌賢庶  
高山不頽河漢長流云云



高氏家標  
闔縣里老公呈

本縣六十里里老賈孟春車恕等鄉約孫思孝等  
鄰佑王權張伯陽等鄉民鄒東魯等呈爲公舉鄉  
賢以勵民風以慰輿情事竊照已故原任浙江巡  
撫鄉宦高孝友天生忠誠性植光明正大端介清  
嚴七十年心心仁厚四十載節節忠勤楷模洵鄉  
閭之師勛眞國家之棟乘躋守定釋褐聲繁拜  
完邑之祠餘澤猶在讀蒲城之碣惠渥如存製錦  
仁普窮鄉簪筆忠抒楓陛霜飛左掖白簡褫姦瑞

之魂澤潤下邦片檄抑雄藩之焰至如順水性伏  
洪流功襄漕運條兵機擒倭寇績被藩封而且破  
數十年難破之驕惰簡乘蒐卒一巡視而壁壘生  
輝立晚近世不易立之廉隅拔滯扶寒終考閱而  
泮黌長價其最爲宏大者儲位幾搖國本一疏力  
定回天何啻取虞淵之日其最難企及者東土靡  
子千金再賑仁深滿地不數揚大海之波平允雅  
著於棘寺恩威茂建於憲府南湖工峻永賴固續  
乎坡公交趾船回長厚直埒於充國稂莠去而民



高氏家模  
始聊生貪墨除而人得樂業心既堅於爲國志且  
恥於趨時拂袖青山怡然綠野賑貧訪舊依然韋  
布之風繕橋修鬢益廣先人之德閒揮麈尾所必  
欲明者良心頻擊唾壺其必欲存者公道廐惟瘦  
馬清飄兩袖之風門止癡奴澤洽一方之露助人  
婚助人葬感恩德者死與生均供士膳課士文蒙  
陶鑄者鄉與國并一飯未嘗忘君寸縷必先庶母  
誼隆兄弟張公九世之心謀貽子孫萬石里門之  
訓庭多故舊室鮮媵孀生平陶世幾編可付絕韋

之後臨終東首數語不殊易簀之賢德碑常新君  
子之澤永矣風坊無恙善人之報昭然據其嘉言  
懿行眞足勵世以維風稽諸月旦鄉評允宜具馨  
而薦廟懇乞俯鑑羣情申請道府准送祭享永祔  
宮牆庶元老不致湮沒而人心因以慰藉矣云云

中丞公祀鄉賢學道批詞及送主年月

提督學政山東按察司副使賀 批高故中丞功  
崇節鉞忠謀夙著於朝端誼重枌榆懿行久孚於  
閭黨緗帙窺微言於往昔泌衡安直道於清時且



仁及大禋行周細物紳士勒琬琰之口存亡係梁  
泰之思宜侑秩宗以敦風教仰縣具主送入鄉賢  
祠崇祀繳本縣遵奉擇吉於天啓四年 月 日  
送主

中丞公祀鄉賢闔學誄文

嗚呼維靈天挺英傑雲蔚粹青年甫弱冠對策彤  
廷筮仕完邑擢陟蒲城杜母蜚譽召父齊聲銓衡  
課最寵錫欽承詔作耳目狐鼠潛蹤羽翼國本抗  
疏殫忠功高弗德志冲不盈督學畿甸士頌公明

持平棘寺民無冤情聲馳魏闕晉陟中丞虎林秉  
鉞海寇澄清恩伸不殺志恥邀功帝曰良哉金錫  
祿增厥功旣懋厥寵益隆齊魯薦饑淄境頻凶捐  
俸賚賑士民甦生先哲懿德善繼善承橋梁修建  
道路蕩平遐邇傾戴彝鼎勒銘識符廣受主盟淄  
鬻敦戚課士膏雨春風咸祝壽考如岡如陵胡天  
不弔遽隕國楨里失怙侍朝乏典型山頽安仰木  
壞何憑悲風颯颯淒雨濛濛懷想莫已涕泗其零  
理等悽惋瞻仰莫從肅陳薄具泣奠於庭於戲繫



高氏家模  
誰不生無德馨緊誰不沒沒無令名德積名建  
仙化而升玉樹森森蘭芽繩繩既忠且孝閒介而  
清懿行堪紀食報允稱生信無愧沒實可寧神如  
不昧來鑑微誠尙饗

鄉民祭文

惟翁乾坤孕粹海嶽鍾英義經抉奧芥掇科名始  
薦省闈復捷南宮分符百里列宿輝明絃歌雅化  
製錦兩城埋輪當道繡斧馳聲程材畿輔鑑空衡  
平國本幾搖一言定傾棘寺清嚴羅尉廷中持刑

明恕獄無冤氓當宁眷注爰拜中丞內外震肅綽  
有威風開府秉鉞浙甸澄清正色立朝節槩亭亭  
勲伐顯茂聲譽綦隆林泉寄跡廟廊櫻情澤裕後  
昆竇桂荀龍象賢接武濟濟繩繩年踰七袞不癯  
不癯彼蒼弗憇遽爾遐升中河墜月半嶽摧峯鄉  
邦黯淡失此儀型謙等叨在枌榆雅沐優容感恩  
思奮欲報無從仰瞻泰斗雨淚泫泫醑漿既酌簋  
簋亦盈用下敬上聊竭微誠神其有知是依是憑  
於戲慟哉尙饗



高氏家模  
三  
淄民報中丞公冥碑贊

嗚呼高公朝之元老淄之福星祿荒回憶人盡鳩  
形我公撫浙奉賑淄靈此情永煖草木常青壽公  
於在償公於冥各捐汗血之資粟用將楮醴之丹  
誠茲舉也感公之恩公不市德增公之價公不居  
名幾帝力之何有庶醇穆之古風嗟乎公殆不化  
朽壤之腐公其韞爲金玉之精公將生長松之千  
尺公可產靈芝而九莖臨風隕涕望輒失聲雲靄  
中隱隱煙波內錚錚若歆吾儕小民之肺血不然

何彷彿乎如公



太學南溟公錄

邑誌傳

公諱譽字鵬程號南溟以廩生入太學中丞公舉弟也生而穎慧長而博學姪孫司寇珩嘗云叔祖日錄三十冊詳載某日讀某經某史某子書蓋五十年來未嘗釋手卽二氏之學莫不涉獵萬曆閒中副車遂棄舉業殫精著述凡邑中利害諸先達往往就而折衷焉事事以合天理遵王法爲規中丞公宦遊四十載無內顧憂者所恃惟公耳性尙



高氏家模  
五言  
儉樸雖貴介不殊寒素生平著作自淄城失陷藏  
橐無多僅存與中丞公同纂陶世名言及同選名  
文薈選又與中丞唱和填篋詩草行世嘗從泰安  
少崖李先生遊講明理學初不徒以文藻見長也  
壽八十一歲無疾而終孫玕第進士爲名御史

贈宗丞宏室公錄

邑誌傳

公諱所蘊字爾施號宏室中丞公舉子也以子玕  
贈中憲大夫內翰林祕書院侍講學士累贈通奉  
大夫宗人府府丞加一級孝友溫恭早年食餼萬  
曆壬子已入彀而置副卷論者惜之生平以畏天  
爲心以濟人爲事以孝弟爲躬行以性命爲向往  
自葬中丞公後卽棄家習靜於磨莊去家百里日  
與方外之士參叩位詮意有所會輒筆之有隨得



高氏家傳  
錄續錄長生訣無生詮等書皆深入二氏之室與  
子微坐忘文元法藏相出入也長山李大司寇五  
絃嘗言當明萬曆癸丑年東省大饑窗友陳浣初  
偶相過有憂色詢之則曰宏室折簡相邀或爲予  
所逋耶翼日再過則有喜色又詢之則曰往歲予  
以試事曾貸宏室數金後止完其六昨抵其里具  
酒款語移時乃出前金曰二鬴不登得無苦炊煙  
斷耶前物幸完璧以歸他人恐有侵漁故煩枉駕  
耳噫卽此一節可槩其他矣宜乎後之甲第蟬聯

也

贈宗丞公墓石誌

先府君諱所蘊字爾施號宏室行九先大父中丞  
公之第四子太母趙恭人所出也明初八世祖諱  
全者自蒙陰縣狗跑泉徙居淄川城北二十里之  
月莊遂世世占籍於淄府君生而孝友溫恭能得  
中丞公歡兄弟六人咸友愛無閒言早歲下帷攻  
苦補郡廩生萬曆壬子闈中已薦本房第三矣以  
破承中用論語四字遂置副卷生平存心制行以



及庭訓皆以不違人情不愧衾影爲準而慈儉忍讓過於寒士樂施不倦遠近稱之人有貸必應率多不償聽之而已迨棄養之日積券可三四千金不孝等聚而焚之不敢逆府君之意也府君生於萬曆乙酉正月二十七日沒於崇禎癸酉七月初六日享年四十九歲順治初年以覃恩贈內翰林祕書院待講學士繼復以覃恩贈太常寺少卿加一級元配王淑人新城少師兵部尙書王公諱象乾女自瑋珩嬰孺時卽見背棄懿行幼不及詳比

稍長見先大父宦浙時手字家信稱爲賢婦又府君曾誨瑋兄弟曰今日生事稍稍饒裕皆我與汝母衣食淡素同心守儉所致也嚴訓在耳彷彿遺徽蘭折早年春暉莫報痛哉淑人生於萬曆丁亥三月二十一日沒於萬曆甲寅正月二十八日享年二十八歲兩以覃恩累贈淑人繼配袁太淑人同邑處士袁公諱幼御女性勤儉拮据相先君者二十年撫瑋珩慈愛如己出處內外姑妯油油以和居恆誨言必以務匡人急勿揚人不善爲首每



高氏家牒  
舉先曾大父柳溪公所言不彈人一指不詈人一  
句者乃吾家好子孫諄諄命之孜孜操作雖衰病  
不輟也生於萬曆己亥正月二十九日沒於順治  
辛丑正月二十四日享年六十三歲兩以覃恩累  
封太淑人卒之日 詔遣守臣致祭發水衡錢治  
葬會 朝廷更制議罷諸廷臣父母妻室恩卹蓋  
自太淑人得 俞旨後此典遂停亦異數矣子三  
人長瑋己卯鄉薦第一丙戌進士直隸河間府推  
官娶同邑舉人張公泰來女繼娶同邑廩生王公

啓睿女次珩己卯舉人癸未進士選庶吉士歷官  
祭酒吏禮二部左右侍郎兼翰林院學士太常大  
理少卿宗人府府丞娶益都舉人岳公岱支女母  
王淑人出又次瓚邑增生娶同邑生員韓公茂楷  
女母袁淑人出女四長嫁同邑生員韓焞王淑人  
出次嫁長山生員王玟次嫁同邑生員韓廣運次  
嫁新城生員王士雅袁淑人出孫男十人瑋出者  
八之麟貢士娶同邑拔貢孫君琰齡女之駢郡庠  
生娶同邑貢生韓君愈章女之駢郡庠生娶同邑



廩生韓君燿女之騫聘同邑貢生韓君允大女之  
駟聘同邑乙未進士山西沁水縣知縣邱君璐女  
之騫聘同邑己丑進士浙江慈谿縣知縣王君繡  
女之駟之騫幼未聘珩出者一之駒甲午順天舉  
人已亥進士娶同邑廩生畢君際竝女瓚出者一  
之駒幼未聘孫女六人瑋出者三一嫁益都生員  
張之良一受同邑貢士孫君琰齡男蘭蓀聘一幼  
未受聘珩出者三一嫁同邑儒士宋士佃一嫁新  
城生員王啓沆一嫁同邑生員張篤慶曾孫三人  
肇嗣聘同邑生員畢君盛育女肇勣肇泰幼未聘  
俱駟出曾孫女四人駟出者一受長山廩生李君  
綏之男斯泰聘駒出者三一未受聘一受長山舉  
人李君植之男斯益聘一未受聘府君同王淑人  
舊厝於南郭外城西隅般水孝水之間茲奉袁太  
淑人之靈輻合葬焉是爲康熙元年三月十二日  
也

男瑋等謹識

誌墓逸事附錄



高氏家模  
五  
憶珩弱冠時正月朔昧爽起拜天於庭比至則先  
府君及予兄已燃香立矣府君呵予曰元旦尙晏  
起此豈事天之禮乎人不畏天威不蒙天祐何所  
恃以生耶迄今念之汗浸浸透背也又五六歲時  
以元旦衣新衣至人日未易也府君諭令易之次  
日偶忘焉府君令跪而責之曰孺子乃志華靡不  
聽長者教耶欲與杖久之得免予自是後未嘗敢  
以華靡爲念矣後於元旦偶衣故衣府君則又以  
致美黼冕之義嚴訓之蓋無事不兢兢於明日云

先曾祖贈中丞柳溪公墓誌云季子侍側有感於  
報應事曰天可畏乎柳溪公曰天之乘除不爽如  
之何不畏俄而曰存心所以事天也先祖中丞公  
宦浙時仲冬廿五日手書云家中新舊雜糧幾累  
千石此莫非天地所賜第恐無德承之耳又七月  
廿二日手書云我三十年來不受非義之財家世  
清白荷天之眷致有今日豈有至今日而受此等  
餽遺者兩書予寶持之凜凜天鑒揭示後人府君  
之畏天實家學也往年予官於燕京與長山大司



寇李五絃先生數朝夕晤也一日談及鄉曲前輩  
事先生謂予曰令先君樹德厚矣予茫然不解先  
生曰明萬曆癸丑年吾東省大饑人相食也予窗  
友陳浣初偶過予一若有憂者予詢何故曰淄川  
高中丞公子宏室折簡相邀予自審稍有所負或  
以勤專使耶翌日過予則有喜色予又亟詢何故  
曰往歲予有試事曾貸數金爲道地費後止完其  
六昨抵君里具酒款語移時乃出前金曰二鬴不  
登得無苦炊煙斷耶前物幸完璧以歸托人恐有

侵漁故煩枉駕耳予謝不知後予請告歸以語予  
兄兄亦不知也蓋陰行其德類如此又府君自甲  
子葬先大父後卽棄家習靜於磨莊莊在萬山之  
中去淄城將百里日與方外之士參叩立詮纍月  
始一歸歸不數日輒返矣意有所會筆之爲隨得  
錄續錄二集皆深入二氏之室與子微坐忘文元  
法藏相出入也至於長生訣無生詮二書則蠅頭  
硃字細註精詳後予得之篋衍朝夕不釋手癸未  
上公車仍奉之而北及甲申李寇陷都城遂失之



高氏家範  
三  
悵惋累日也蓋府君生平以畏天爲心以濟人爲事以孝弟爲躬行以性命爲向往行已大端已詳於兄誌中再以珩所聞見者識之於後此終身所未敢忘者并將錄出以垂訓子姪庶幾府君志事如存我後之人或有能紹述而光大之者予日望之矣子珩題誌

累贈宗人府府丞加一級誥命文

制曰揚名顯親爲子者願以令德歸之父考績褒賢教孝者宜以高爵作之忠是用推恩特申休命

爾高所蘊乃宗人府府丞加一級高珩之父義方有訓式穀無慚念爾嗣之勤勞旣克家而報國俾爾澤之昌大爰錫類以昭仁茲以覃恩贈爾爲通奉大夫宗人府府丞加一級錫之誥命於戲教誨爾子永勿忝於家聲聿修厥德尙無負於國恩欽承寵命慰爾幽靈

制曰國體勞臣必遡源而沛澤家崇詰胤爰歸善於厥生盛典維新壺儀愈著爾宗人府府丞加一級高珩母王氏幃範克端胎教居身教之先慈訓



高氏家模  
惟勤能愛在能勞之後宜沛馳封用昭母德茲以  
覃恩贈爾爲夫人於戲子情罔極感顧復而敦孝  
國綸普被念劬勞以疏榮嘉乃恩勤褒其遺範  
制曰教育之恩不殊已出褒崇之典并迨繼闡休  
命式頒令儀用著爾宗人府府丞加一級高珩繼  
母袁氏母教維勤壺儀不忒毛裏無殊於罔極劬  
勞誼等於所生允協前徽宜申寵命茲以覃恩贈  
爾爲夫人於戲孝思不匱固人子之榮親內則無  
忝賴母儀而訓後嘉爾淑貞追錫綸綵

康熙十六年十一月二十六日



贈侍御敬室公錄

贈貴州道監察御史勅命文

制曰資父事君臣子篤匪躬之誼作忠以孝國家  
弘錫類之恩爾高所研乃貴州道監察御史高珩  
之父善積於身祥開厥後教子著義方之訓傳家  
裕堂構之誼茲以覃恩贈爾爲文林郎貴州道監  
察御史錫之勅命於戲殊榮必逮於所親寵命用  
光夫有子承茲優渥永芘忠勤

制曰奉職在公嘉教勞之有自推恩將母宜錫典



高氏家模  
之攸隆爾貴州道監察御史高珩母王氏壺範宜家夙協承筐之媿母儀詒穀載昭回荻之芳茲以覃恩贈爾爲孺人於戲彰淑德於不瑕式榮象服膺寵命之有赫永賁泉壚

制曰劬勞同於己出母氏鞠育之恩褒卹并於所生朝廷旌揚之典爾貴州道監察御史高珩繼母王氏夙嫻壺範克嗣徽音相夫則敬以宜家教子而勤能奉職茲以覃恩贈爾爲孺人於戲淑德藉絲綸增煥芳模與翟茀齊輝寵渥載加泉原永慰

先曾王父號敬室行十高王父南溟公長子也性醇謹行誼敦厚補博士弟子員試輒高等乃數奇不售不幸早世時高王父年躋古稀王父尙幼碑銘誌文蓋闕如也乾隆戊午秋叔弟悞仰承先志刊刻叔父遺書爰於勅命後載綴數語用述梗槩云爾曾孫 肇暉 謹識

高氏家模卷上終







